



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE

RREGULLORE

Nr. 48 datë 22.04.2020

PËR ZBATIMIN E RREGULLIT TEKNIK

PËR PAJISJET RADIO

Kjo Rregullore është miratuar me Vendim të Këshillit Drejtues të AKEP Nr. 7, datë 22.04.2020.

Neni 1

Baza ligjore

Neni 79 pika 3, neni 8 pika q) të Ligjit Nr. 9918 datë 19.5.2008 “Për komunikimet elektronike në Republikën e Shqipërisë” dhe Vendimi i Këshillit të Ministrave Nr.378, datë 5.6.2019 “Për miratimin e rregullit teknik për pajisjet radio, njohjen e ndërsjellë të vlerësimit të konformitetit të tyre dhe përcaktimin e listës së standardeve të harmonizuara”.

Neni 2

Qëllimi i rregullores

Kjo Rregullore ka për qëllim zbatimin e rregullit teknik për pajisjet radio, miratuar me VKM Nr.378 datë 5.6.2019, përafuar pjesërisht me Direktivën 2014/53/EU “Radio Equipment Directive - RED” të Bashkimit Europian.

Neni 3

Fusha e zbatimit

1. Kjo Rregullore zbatohet nga prodhuesit, përfaqësuesit e autorizuar, importuesit, shpërndarësit e pajisjeve radio.
2. Kjo Rregullore zbatohet për të gjitha pajisjet radio të importuara, si dhe për ato që mund të prodhohen në Shqipëri.
3. Kjo Rregullore nuk zbatohet për:
 1. Pajisjet radio, që përdoren ekskluzivisht për aktivitete që lidhen me sigurinë publike, mbrojtjen, sigurinë kombëtare dhe aktivitetet e shtetit në fushën e zbatimit të ligjit kundër krimit në Republikën e Shqipërisë
 2. Pajisjet radio që përdoren nga radioamatorët sipas përcaktimit të pikës 56, të nenit 1, të Radio Rregulloreve të ITU-së, përveç rastit kur pajisja është e mundshme për t’u tregtuar;
 3. Pajisje radio të cilat nuk do të konsiderohen të mundshme për t’u tregtuar si më poshtë:
 - a) Pjesët përbërëse të komponentëve për montim dhe përdorim nga radioamatorët;
 - b) Pajisjet radio të modifikuara, dhe për përdorim nga radioamatorët;
 - c) Pajisje të ndërtuara nga radioamator, për qëllime shkencore dhe eksperimentale;
 - ç) Pajisjet e marinës;
 - d) Pajisje të caktuara që përdoren në aviacionin civil në përputhje me nenin 3, të udhëzimit nr. 3, datë 7.2.2011 “Për rregullat e përbashkëta në fushën e aviacionit civil”, të ndryshuar.
 4. Pajisje vlerësuese të personalizuar, për përdorim nga profesionistë vetëm për qëllime kërkimore dhe zhvillimore.

Neni 4

Përkufizime

1. “Pajisje radio”, është një produkt elektronik ose elektrik, i cili emeton dhe/ose merr valë radio për qëllime radiokomunikimi dhe/ose radiopërcaktimi, ose një produkt elektronik ose elektrik, i cili duhet të jetë i pajisur me një aksesor të tillë si një antenë, me qëllim emetimin dhe/ose marrjen e valëve radio, për qëllime radiokomunikimi dhe/ose radiopërcaktimi;
2. “Njoftim”, është procesi i njoftimit në AKEP, gjatë regjistrimit të tipeve të pajisjeve radio sipas kategorive, që impaktohen nga një nivel i ulët i pajtueshmërisë me kërkesat thelbësore

- të përcaktuara në nenin 3 të VKM nr. 378.
3. “Regjistrimi i tipeve të pajisjeve radio sipas kategorive” është procedura që kryejnë prodhuesit e pajisjeve radio, brenda kategorive të pajisjeve radio që impaktohen nga një nivel i ulët i pajtueshmërisë me kërkesat thelbësore të përcaktuara në nenin 3 të VKM Nr.378 datë 5.6.2019, në një regjistër të siguruar nga AKEP para se ato kategori të vendosen në treg;
 4. “Konfirmim regjistrimi”, është procedura që kryhet nga AKEP, pas një njoftimi të plotë dhe të saktë regjistrimi për tipet e pajisjeve radio që impaktohen nga një nivel i ulët i pajtueshmërisë me kërkesat thelbësore të përcaktuara në nenin 3 të VKM nr. 378.
 5. “Regjistër (databazë) e pajisjeve radio”, është regjistri (databaza) në të cilin pasqyrohen pajisjet radio që impaktohen nga një nivel i ulët i pajtueshmërisë me kërkesat thelbësore të përcaktuara në nenin 3 të VKM nr. 378.
 6. “Brez frekuence i harmonizuar”, është brezi i frekuencave, i cili në të gjithë ose në pjesën më të madhe të vendeve europiane është i parashikuar për përdorimin e pajisjeve radio me veçori të njëjta teknike (radiofrekuenca, modulimi, fuqia, etj).

Neni 5

Vendosja në treg dhe në shërbim e pajisjeve radio

1. Pajisjet radio të mbuluara nga Rregulli Teknik, miratuar me VKM Nr.378 datë 5.6.2019, mund të vendosen në treg dhe në shërbim, vetëm nëse janë në përputhje me Rregullin Teknik dhe nëse janë instaluar sipas specifikimeve përkatëse si dhe mirëmbahen dhe përdoren për qëllimin e synuar.
2. AKEP mund të përcaktojë kërkesa shtesë për vendosjen në shërbim dhe/ose përdorim të pajisjeve radio me qëllim:
 - a) përdorimin efektiv dhe eficient të spektrit të frekuencave;
 - b) shmangien e interferencave të dëmshme;
 - c) shmangien e shqetësimeve elektromagnetike;
 - ç) sigurimin e shëndetit publik,
 në përputhje me përcaktimet e Planit Kombëtar të Frekuencave dhe kërkesat e nenit 62, të ligjit nr. 9918, datë 19.5.2008 “Për komunikimet elektronike në Republikën e Shqipërisë”, të ndryshuar, për administrimin e spektrit të frekuencave.
 Kërkesat shtesë mund të vendosen nga AKEP, për të zbatuar detyrime që mund të vijnë edhe nga ndryshimi i Planit të Përdorimit të Frekuencave, Autorizimet Individuale që lëshon AKEP për përdorimin e frekuencave, kushtet e Autorizimit të Përgjithshëm për ofrimin e rrjeteve dhe shërbime të komunikimeve elektronike, Vendime të Këshillit të Ministrave që kanë të bëjnë me pajisje radio, etj.
3. AKEP publikon në faqen e tij zyrtare të internetit ndërfaqet radio që synon të rregullojë, me përjashtim të ndërfaqeve radio:
 - a) të cilat janë në përputhje të plotë ose të pjesshme me përcaktimet e Planit Kombëtar të Frekuencave dhe kërkesat e ligjit mbi përdorimin e harmonizuar të spektrit të frekuencave;
 - b) të cilat mund të vihen në shërbim dhe përdorim në vendet e Bashkimit Evropian pa kufizime, referuar Sistemit Informativ të Frekuencave (EFIS) të Zyrës së Radiokomunikimit Evropian CEPT/ERO.
 AKEP publikon në faqen e tij zyrtare www.akep.al, linkun e përditësuar të ndërfaqeve radio të sistemit EFIS të CEPT-ERO.

4. Përpara vendosjes në treg dhe shërbim, prodhuesi duhet të sigurojë zbatimin e të gjitha detyrimeve sipas nenit 10 të VKM nr. 378, duke përfshirë faktin që pajisja radio të jetë e shoqëruar me udhëzime për përdoruesin, si dhe informacion mbi sigurinë, të shkruar në gjuhën shqipe, në mënyrë të qartë dhe të kuptueshme, etj.

Neni 6 Prezumimi i konformitetit

1. Pajisja radio, e cila është në konformitet me standardet e harmonizuara të publikuara në Fletoren Zyrtare, ose pjesë të saj, prezumohet që është në konformitet me kërkesat thelbësore, të përcaktuara në nenin 3, të VKM nr. 378 të Rregullit Teknik.
2. AKEP publikon në faqen web listën e standardeve të miratuara me Vendim të Këshillit të Ministrave.

Neni 7 Regjistrimi i tipeve të pajisjeve radio sipas kategorive që impaktohen nga një nivel i ulët i pajtueshmërisë me kërkesat thelbësore

1. Prodhuesit duhet të regjistrojnë në AKEP tipet e pajisjeve radio, brenda kategorive të pajisjeve radio që impaktohen nga një nivel i ulët i pajtueshmërisë me kërkesat thelbësore të përcaktuara në nenin 3 të VKM nr. 378, në një regjistër të siguruar nga AKEP, përpara se ato kategori të vendosen në treg.
2. Gjatë këtij regjistrimi, prodhuesi duhet të sigurojë, disa ose kur lind nevoja, të gjitha të dhënat e dokumentacionit teknik, të përcaktuara në pikën 2 të nenit 5 të VKM nr. 378. Prodhuesit, për çdo pajisje radio të vendosur në tregun Shqiptar, duhet të vendosë numrin e regjistrimit, që fiksohet mbi pajisjen radio të vendosur në treg.
3. Specifikimi i kategorive të pajisjeve radio që bien në klauzolat e pikës 1 të këtij neni, si dhe elementet e dokumentacionit teknik që duhet të sigurohen në këtë rast, duke marrë në konsideratë informacionin e konformitetit të pajisjes radio, dhe pas vlerësimit të rrezikut të mos zbatimit të kërkesave thelbësore, në përputhje me praktikën e BE-së, klasifikohen si më poshtë:¹
 - a. Klasa 1: Pajisjet radio të kësaj klase mund të përdoren pa asnjë kufizim në vendet e Bashkimit Europian, EEA (European Economic Area) dhe EFTA (European Free Trade Association). Pajisjet e klasës 1 mund të përdoren pa asnjë kufizim edhe në Shqipëri. Klasa 1 e pajisjeve radio në Shqipëri, do të jetë e njëjtë me Klasën 1 të pajisjeve radio të publikuar në faqen zyrtare të internetit të Komisionit Europian. Kjo klasë publikohet edhe në faqen web të AKEP.
4. Njoftimi për regjistrimin e tipeve të pajisjeve radio sipas kategorive që impaktohen nga një nivel i ulët i pajtueshmërisë me kërkesat thelbësore, paraqitet me shkrim në AKEP, ose në formë elektronike në modulën e aplikimeve online të AKEP, sipas Formularit të Njoftimit, që

¹ Klasa 2: Pajisje radio të kësaj klase subjekt i kufizimeve në një ose me shumë shteteve të BE, EEA dhe EFTA:
- Parametrat teknike ishin të harmonizuar në vendet e EU, EEA and EFTA;
- Parametrat teknike ishin të harmonizuar në vendet e EU, EEA and EFTA dhe nuk bëjnë pjesë në Klasën 1. Shënim: Klasa 2 e pajisjeve radio është krijuar sipas direktivës së vjetër R&TTE që korrespondonte me pajisjet radio duke përdorur breza të frekuencave të harmonizuara dhe për të cilat, si pasojë, njoftimi në përputhje të Direktivës R&TTE nuk ishte i nevojshëm.

paraqitet në Aneksin 1 të kësaj Rregullore, shoqëruar me dokumentacionin e nevojshëm.

5. Pas një njoftimi të plotë dhe të saktë regjistrimi për tipet e pajisjeve radio që impaktohen nga një nivel i ulët i pajtueshmërisë me kërkesat thelbësore të përcaktuara në nenin 3 të VKM nr. 378, AKEP brenda 7 ditëve, lëshon një “Çertifikatë konfirmimi regjistrimi” sipas Aneksit 2 të kësaj Rregullore. Në rast të një njoftimi jo të plotë apo me pasaktësi, AKEP brenda 7 ditëve i kërkon subjektit plotësimin apo saktësimin e mangësive. AKEP mund të refuzojë regjistrimin e pajisjes radio, në rast se prodhuesi nuk siguron të gjitha të dhënat e dokumentacionit teknik, të përcaktuara të aneksin V të VKM nr. 378. Refuzimi nga AKEP bëhet me shkrim dhe njoftimi i refuzimit përmban arësyet e refuzimit të regjistrimit të pajisjes radio.

Neni 8

Përbërja dhe të dhënat e regjistrit

1. Regjistri (databaza) i pajisjeve radio, është regjistri me të dhënat e mëposhtme:
 - a. Numri i regjistrimit;
 - b. Data e regjistrimit;
 - c. Emërtimi i pajisjes radio (marka, tipi);
 - a. Brezi i frekuencave në të cilin operon pajisja radio (MHz);
 - b. Emri i operatorit ekonomik (prodhuesi, përfaqësuesi i autorizuar, importuesi, shpërndarësi)
 - c. Të dhënat e kontaktit të operatorit ekonomik (adresa zyrtare postare, email, telefon, website);
 - d. Numri i dokumentit të organit vlerësues të konformitetit.
2. Numri i regjistrimit do të përmbajë këto elemente:
 - a. AL, që nënkupton Shqipërinë;
 - b. AKEP, që nënkupton Autoriteti i Komunikimeve Elektronike dhe Postare;
 - c. Vitin kalendarik;
 - d. RE, që nënkupton pajisjen radio në termin e shkurtuar në gjuhën angleze Radio Equipment;
 - e. xxxxx, është numër rendor sipas kërkesave për regjistrim.
3. AKEP publikon në faqen e tij web “Regjistrin (databazën) e pajisjeve radio” të regjistruara, në të cilin pasqyrohen pajisjet radio që impaktohen nga një nivel i ulët i pajtueshmërisë me kërkesat thelbësore të përcaktuara në nenin 3 të VKM nr. 378. Përmbajtja e Regjistrit (databazës), paraqitet në Aneksin 3 të kësaj Rregullore.

Neni 9

Pagesat

1. Pagesat për regjistrimin e tipeve të pajisjeve radio sipas kategorive, përcaktohen me vendim të Këshillit të Ministrave.
2. Subjektet që paraqesin në AKEP njoftim të plotë dhe të saktë regjistrimi të pajisjes radio, janë të detyruar të kryejnë pagesën përkatëse, brenda 15 ditësh nga data e aplikimit. Me shlyerjen e pagesës brenda këtij afati, AKEP brenda 7 ditëve do të lëshojë dokumentin e Konfirmimit të Regjistrimit.

Neni 10

Mbikqyrja dhe kontrolli i tregut për pajisjet radio

1. Mbikqyrja e tregut të pajisjeve radio bëhet në zbatim të legjislacionit në fuqi lidhur me produktet joushqimore.
2. AKEP-i dhe Inspektorati Shtetëror i Mbikëqyrjes së Tregut, janë strukturat përgjegjëse për mbikëqyrjen e tregut për pajisjet radio, të cilët, në zbatim të VKM nr. 378, lidhin marrëveshje bashkëpunimi midis tyre.
3. Struktura përgjegjëse e mbikëqyrjes së tregut Inspektorati Shtetëror i Mbikëqyrjes së Tregut (në vijim, ISHMT), në bashkëpunim me AKEP, marrin të gjitha masat e nevojshme për të siguruar që pajisjet radio të mbuluara nga Rregulli Teknik, mund të vendosen në treg dhe në shërbim vetëm nëse janë në përputhje me Rregullin Teknik.
4. Objektivat kryesorë të mbikëqyrjes dhe kontrollit të tregut për pajisjet radio, përcaktohen në nenin 34 të VKM nr. 378.
5. Deklaratat e konformitetit duhet të jenë të disponueshme sa herë që ato të kërkohen nga autoritetet e mbikëqyrjes së tregut. Për më tepër, çdo produkt duhet të jetë i shoqëruar deri tek përdoruesi me deklaratën e konformitetit.
6. Në rast se pajisjet e vendosura në treg janë në mospërputhje me kushtet e përcaktuara në Rregullin Teknik miratuar me VKM nr.378, AKEP marr masa në përputhje me legjislacionin në fuqi. AKEP ka autoritetin të ndalojë, të kufizojë ose të tërheqë nga përdorimi pajisjet radio, që shkaktojnë ose ka mundësi të shkaktojnë interferenca të dëmshme. Në këtë rast, nëse pajisja radio gjendet e regjistruar në Regjistrin (databazën) e AKEP, AKEP bën çregjistrimin e saj nga ky Regjistër dhe njofton me shkrim operatorin ekonomik të asaj pajisje radio.
7. Pronari i pajisjeve radio nuk ka të drejtë të pengojë inspektimin dhe është i detyruar të bashkëpunojë dhe të ofrojë të gjithë informacionin e nevojshëm sa herë që kërkohet një gjë e tillë.
8. Kur për një pajisje radio, është aplikuar një masë kombëtare e cila konsiderohet e justifikuar, AKEP do të ndërmarrë të gjitha masat e nevojshme për të siguruar që pajisja radio jo në konformitet të tërhiqet ose të pezullohet nga tregu.
9. Kur është e nevojshme, për çështje të konformitetit të pajisjeve radio, AKEP dhe ISHMT bashkëpunojnë me organin vlerësues të konformitetit.
10. Autoriteti përgjegjës për mbikëqyrjen e tregut, njofton autoritetin miratues çdo vit mbi aktivitetin e mbikëqyrjes së tregut, duke paraqitur një raport shoqëruar me të dhëna statistikore, si dhe të sigurojnë informacion mbi konformitetin e pajisjeve radio në përputhje me kërkesat e këtij rregulli teknik, duke përfshirë dhe kërkesat mbi identifikimin e operatorëve ekonomik.

Neni 11

Shfuqizimi i rregullores së mëparshme

Rregullorja nr. 25 datë 14.06.2012 “Për pajisjet radio dhe fundore të telekomunikacioneve dhe njohjen e konformitetit të tyre”, shfuqizohet.

Neni 12

Hyrja në fuqi

Kjo rregullore hyn në fuqi datën e miratimit të saj.



REPUBLIKA E SHQIPËRISË

AUTORITETI I KOMUNIKIMEVE ELEKTRONIKE DHE POSTARE

FORMULAR NJOFTIMI PËR REGJISTRIMIN E PAJISJEVE RADIO

QË IMPAKTOHEN NGA NJË NIVEL I ULËT I PAJTUESHMËRISË ME KËRKESAT THELBËSORE

Pajisja radio që impaktohet nga një nivel i ulët i pajtueshmërisë me kërkesat thelbësore të Rregullit Teknik, miratuar me Vendim të Këshillit të Ministrave, përpara vendosjes në treg dhe shërbim, duhet të regjistrohet në AKEP.

1. Të dhënat e operatori ekonomik (prodhuesi, përfaqësuesi i autorizuar, importuesi ose shpërndarësi i pajisjes radio).

| | |
|--------------------------------|--|
| Operatori ekonomik: | _____ (Emri i shoqërisë siç është regjistruar në QKB ose institucionin e vendit përkatës) |
| NIPT | _____ (Numri i Identifikimit të Personit të Tatueshëm në Shqipëri ose në Shtetin përkatës) |
| Personi i kontaktit: | |
| Adresa zyrtare postare: | |
| Telefon: | |
| Fax: | |
| E-mail: | |
| Website: | |

2. Të dhënat e pajisjes radio:

| | |
|---|---|
| Emëtimi i pajisjes radio | _____ (Marka, Tipi) |
| Brezi i frekuencave (MHz) | _____ Fillimi/Mbarimi, Downlink/Uplink, |
| Frekuencat e punës /Frekuenca qendrore (MHz) | _____ (Tx-Rx) |
| Gjerësia e kanalit | |
| Lloji i modulimit | |
| Fuqia max. në dalje ose fuqia e rrezatuar | |

| | |
|---|-----------------------------|
| Kapaciteti i transmetimit (Mbps) | |
| Mënyra e operimit | _____ (simplex/duplex, etj) |
| Tipi i antenës | |
| Përforcimi max. | |
| Tensioni i ushqimit (v) | |
| Shënime të tjera shtesë | |

3. Qëllimi i futjes në treg dhe shërbim i pajisjes radio:

Përshkrim i shkurtër i qëllimit të futjes në treg dhe shërbim i pajisjes radio.

4. Informacion mbi vlerësimin e konformitetit sipas kërkesave thelbësore

| | |
|---|--|
| Procedura e aplikuar e vlerësimit të konformitetit nga organi vlerësues i konformitetit: (sipas VKM nr.378 datë 5.6.2019) | _____ (Shëno Aneksin përkatës të VKM) |
| Standardet e harmonizuara: | _____ (Shëno standardin përkatës) |
| Organi i akredituar për vlerësimin e konformitetit: | _____ (Emri i organit të akredituar që ka kryer procedurën e vlerësimit të konformitetit) |
| Numri i dokumentit të lëshuar nga organi i akredituar për vlerësimin e konformitetit: | _____ (Numri dhe data e lëshimit) |
| Të tjera nëse janë të nevojshme: | |

5. Deklarata/t e konformitetit që janë bashkëngjitur me njoftimin

Operatori ekonomik ka përgjegjësinë e plotë për të siguruar që pajisja është në konformitet me kërkesat e Vendimit të Këshillit të Ministrave nr.378, datë 5.6.2019 “Për Miratimin e Rregullit Teknik për pajisjet radio, njohjen e ndërsjelltë të vlerësimit të konformitetit të tyre dhe përcaktimin e listës së standarteve të harmonizuara”.

Deklaratë

- *Deklaroj se ky njoftim paraqitet për regjistrimin e pajisjes radio në AKEP dhe pajisjen me Konfirmim Regjistrimi nga AKEP, për importimin dhe/ose vendosjen në treg/shërbim të pajisjes radio.*
- *Deklaroj se vendosja në treg dhe shërbim i kësaj pajisje radio do të bëhet, pas konfirmimit të regjistrimit nga AKEP dhe*

- Pajisja radio do të përdoret vetëm në përputhje me Planin Kombëtar të Frekuencave të Republikës së Shqipërisë.

- Pajisjes radio nuk do t'i bëhet asnjë ndryshim pa marrë më parë miratimin e organit vlerësues të konformitetit dhe reregjistrimit të saj në AKEP.

- Të dhënat e deklaruar më sipër, janë të vërteta dhe konform kërkesave të VKM nr. 378 datë 05.06.2019 dhe rregullores së AKEP për zbatimin e Rregullit Teknik për pajisjet radio.

Bashkëngjitur me njoftimin paraqitet dokumentacioni teknik, sipas pikës 2 të nenit 5 dhe Aneksit V të VKM nr. 378 datë 5.6.2019.

Vendi dhe data e njoftimit: _____

Emri dhe mbiemri: _____

Nëshkrimi dhe Vula: _____



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE

KONFIRMIM REGJISTRIMI

Nr. _____ Prot. datë ____ . ____ .20 ____

EMËRTIMI I PAJISJES RADIO

NUMRI I REGJISTRIMIT I PAJISJES RADIO

Autoriteti i Komunikimeve Elektronike dhe Postare konfirmon se operatori ekonomik “_____” sh.p.k/sh.a me NIPT: _____, me adresë: _____, ka paraqitur Njoftimin e Regjistrimit sipas Nenit 5 të VKM Nr. 378 datë 5.6.2019 “Për miratimin e Rregullit Teknik për pajisjet radio, njohjen e ndërsjelltë të vlerësimit të konformitetit të tyre dhe përcaktimin e listës së standarteve të harmonizuara” dhe Rregullores së AKEP “Për zbatimin e Rregullit Teknik të pajisjeve radio” dhe është regjistruar në “Regjistrin e pajisjeve radio që impaktohen nga një nivel i ulët i pajtueshmërisë me kërkesat thelbësore të Rregullit Teknik”, i cili publikohet në faqen e internetit të AKEP.

K R Y E T A R



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE

REGJISTËR I PAJISJEVE RADIO

që impaktohen nga një nivel i ulët i pajtueshmërisë me kërkesat thelbësore të rregullit teknik miratuar me VKM nr. 378 datë 05.06.2019:

| Nr. rendor | Nr. Regjistrimit | Data e regjistrimit | Emërtimi i pajisjes radio (marka, tipi) | Brezi i frekuencave ne te cilin operon pajisja radio (MHz) Fillimi/Mbarimi | Emri i operatorit ekonomik (prodhuesi, përfaqësuesi i autorizuar, importuesi, shpërndarësi) | Të dhënat e kontaktit të operatorit ekonomik (adresa zyrtare postare, email, telefon, website) | Numri i dokumentit të organit vlerësues të konformitetit |
|------------|-----------------------|---------------------|---|---|---|--|--|
| 1 | AL-AKEP-2019-RE-xxxxx | | | | | | |
| 2 | | | | | | | |
| 3 | | | | | | | |
| 4 | | | | | | | |
| 5 | | | | | | | |

Përditësuar, _____.____.20__